

Na osnovu člana 5. Odluke o objavljivanju javnog oglasa za imenovanje jednog člana Općinske izborne komisije Pale, br. **02-02-1-69/19** od **19.07.2019. godine**, Služba Općinskog vijeće Općine Pale, **r a s p i s u j e**

JAVNI OGLAS

za imenovanje jednog člana Općinske izborne komisije Općine Pale

I – UPRAŽNJENE POZICIJE

Raspisuje se Javni oglas za imenovanje jednog člana Općinske izborne komisije Pale, koja se sastoji od predsjednika i dva člana.

Člana Općinske izborne komisije imenuje Općinsko vijeće Pale na mandatni period od 7 godina, s tim da im mandat teče od dana davanja saglasnosti Centralne izborne komisije Bosne i Hercegovine na Odluku o imenovanju.

II – OPĆI USLOVI

Kandidat za člana Općinske izborne komisije Pale mora ispunjavati opće uslove propisane članom 2.2. Izbornog zakona Bosne i Hercegovine:

1. Član Općinske izborne komisije je lice sa pravom glasa (upisano u Centralni birački spisak);
2. Član Općinske izborne komisije je lice sa odgovarajućom stručnom spremom i iskustvom u provedbi izbora.

III – POSEBNI USLOVI

Pored općih uslova, propisanih članom 2.2. Izbornog zakona Bosne i Hercegovine, kandidat za člana Općinske izborne komisije mora ispunjavati slijedeće posebne uslove:

1. Da ima prebivalište na području Općine Pale,
2. Da ima završen fakultet VII/1 stepen stručne spreme ili završen fakultet bolonjskog sistema studiranja sa najmanje 180 ETCS,
3. Da posjeduje iskustvo u provođenju izbora.

Pod iskustvom u provođenju izbora podrazumjeva se:

- a) Članstvo u izbornoj komisiji;
- b) Članstvo u biračkom odboru na izborima obuhvaćenim Izbornim zakonom BiH;

IV - IZUZECI

Izuzetno od uslova iz Poglavlja III – Posebni uslovi, stav 1. tačka 1. ovog Javnog oglasa član Općinske izborne komisije može biti lice sa prebivalištem iz druge općine, ukoliko nema kandidata, sa prebivalištem na području Općine Pale, koji ispunjavaju uslove koji se traže Javnim oglasom.

Izuzetno od uslova iz Poglavlja III – Posebni uslovi, stav 1. tačka 2. ovog Javnog oglasa član Općinske izborne komisije može biti lice koje ima završenu višu školu, odnosno VI stepen stručne spreme, jer se radi o Općini koja ima manje od 2.000 birača upisanih u Centralni birački spisak ili ako je potrebno ispoštovati odredbe člana 2.14 stav 1. Izbornog zakona BiH.